

truncum apposuit, et ad eamdem ecclesiam ad patrocinium beati Godehardi migravit: ubi cum devotissime misericordiam ipsius imploraret, contigit celeberrimum miraculum, ut trunco manus conglutinaretur, et in pristinum statum restitueretur.

50. Vir quidam honestus, cuius nomen Theodoricus, civis Hildeneshemensis. Hic devotione singulari motus, fraternitatem instituit sancti Godehardi, et in eam utriusque sexus homines induxit, tribuens de propriis eleemosynam pauperibus satis largam in festo dicti pontificis Godehardi. Hic in infirmitate quadam decumbens, quæ phthisis dicitur, a medicis derelinquitur, qui de vita ipsius desperabant. Quadam vero nocte, quam pene duxit insomnem, apparuit ei sanctus Godehardus in habitu pontificali, dicens ei: « Quid agis, frater? cur sic jaces prestratus in lecto? » Cui Theodoricus respondit: « Infirmitate gravatus valida, aliud non possum quam prostratus jacere; sed rogo te, sancte Godehardi, ora pro me. » Cui vir sanctus ait: « Surge in nomine Domini nostri Iesu Christi, et vade ad ecclesiam, et ostende te confratribus tuis, et dic eis: Quia Dominus Jesus meritis meis te sanavit, eo quod honorem meum in hac infirmitate procurasti. Insuper dic eis ut in incepitis perseverent, et ego frater eorum ero, et defensor ab hoste maligno, et ab omnibus quæ honorem, vitam, sive famam eorum defendere possunt, et apud Deum intercessor ero sem-

A per. » Dicitus autem infirmus surrexit, et quod ei dictum fuerat fecit. Et omnes qui audierant verbum Deum benedicebant, qui talem eis patronum dedit et intercessorem. Dicitus autem Theodoricus sanus et hilaris, postea vixit annis multis, devote Deo et sancto Godehardo se commendans.

51. Magister Joannes (98) decanus Aquensis, cum scholaris esset, tam graviter quodam tempore infirmatus est, ut confessus et inunctus nihil ei nisi mors videretur. Qui cum materia rapta esset in cerebrum, solus jacens in excessum venit, vidiisque homines sibi ignotos intrare, qui lances quas manibus portabant cum lignis brevibus et quadratis ante ipsum ponebant. Stantibus ipsis ex una parte lectuli, contemplatus est introire tres inclitos confessores, sanctum videlicet Martinum Turonensem, et sanctum Godehardum episcopum Hildeneshemensem, beatumque Bernwardum, qui cum parte ex altera circumstetere. In quorum conspectu puer Joannes uni imponitur lanci, et ligna ponderis alteri. Cumque elevata statera, juvenis æger minus habens inventos est, prædicti confessores puerulum parvum et mendicum sinu ejus imposuerunt, qui simul lanceum adversam mox suspendentes, lignis graviores apparuerunt, statimque Joannes, qui mihi hanc visionem retulit, in sudorem erumpens crisin fecit, et de eadem infirmitate citius convaluit.

Postremum miraculum editionis Lipsianæ, vita brevioris.

52. Anno Domini 1538 civitas Pataviensis per episcopum Pataviensem (99), cum multa armatorum militia, circumvallata sic arctabatur, quod populus in ea desperatus de salute, hostibus suis se tradere volebat. Contigit autem ut unus inter eos in sancto Godehardo speciale gerens fiduciam, et inter maiores civitatis residens, diceret: « Audivimus multa pietatis insignia et salutaris auxilii augmenta non modica, quomodo sanctus Godehardus de hac nostra ortus terra, imo de hac nostra dioecesi, multis astitit tribulatis, et consolationem ab eo receperunt, ut multis est notissimum. Expedit ergo ut et nos ipsius adjutorium imploremus, petentes devotione supplici ut clementer nobis assistat, et iram Dei, per quam meruimus hanc calamitatem, a nobis avertat. » Placuit omnibus verbum senis, ejusque omnes favent hortamento, et votum fecerunt unani-

miter se missuros aliquot de civibus cum oblationibus, petentes ut eis in necessitatibus suis citius subveniret. Quo voto emisso, mira celeritate se invenerunt consolatos. Nam generosus princeps dux Bavariae (100) veniens, negotium interceptit, et inter episcopum Pataviensem et cives dictæ civitatis ab eo obsessæ treugas constituit amicabiles. Sicque præsul abscessit, et civitas pace gaudebat insperata. Sed et medio tempore dictus dux Bavariae pacem inter episcopum et civitatem incepit confirmavit, et consolationem hominibus utriusque sexus condonavit. Cives autem dictæ civitatis suos, ut voverant, ad sepulcrum miserunt sancti Godehardi cum votis oblationibus, omnibus ibidem narrantes qualiter suffragiis sancti Godehardi de tribulatione maxima subito fuerint liberati.

APPENDIX ALTERA.

Miracula in exteris provinciis facta, in quas delatae sunt S. Godehardi reliquiae.

Scire volentibus quæ et quanta Dominus operari sit dignatus per merita beati Godehardi, cum essemus in provincia Trajectensi, et in aliis locis, habentes nobiscum venerabiles reliquias ejusdem, bre-

D viter quædam adnotare curavimus. Honorabilem virum abbatem in Dokkinge curatum evidenter cognovimus a fluxu sanguinis, quo vehementer et diu laboraverat. Per ejus suffragium matronam etiam

quamdam, quæ bona spe easdem reliquias ad se deferrit petuit, Deus a duplice morbo, hydropico et podagrico, quo diu laboraverat, ejusdem meritis potenter atque evidenter liberavit. Præterea zonis multorum applicatis ad easdem reliquias, et appositis ad membra infirmorum, tam sæcularium quam claustralium, in continenti sanitatem recepisse noscuntur; videlicet infirmi laborantes quotidiana, tertiana, dolore capitis, oculorum, dentium et cæterorum membrorum.

54. Cum semina quædam inter concives suos, dantibus nobis confraternitatem more solito, ab ipsa se absentaret, monita per visum a beato Godehardo cur se tanto beneficio privari vellet, et respondens quod nihil offerendum haberet, audivit, ut mane surgens, quidquid apud se inveniret offerret: sicque in bursa duos gravioris monetæ numeros inveniens obtulit, et idem factum coram populo professa est.

A 55. Vir etiam quidam magnus, nobis valde contrarius existens, cum populum a nobis avertere, et negotium nostrum omnimodis impedire studeret, ita per inflationem gutturis et totius capitis periclitari cœpit, ut jam pene deficere videretur, donec in se rediens et corde pœnitens, per suffragia beati Godehardi ab ipsis mortis fauibus liberatus, errorem suum devotione et humilitate correxit.

56. Quædam mulier cum geminos generaret, uno soluta ante nostrum adventum, tribus diebus cum altero periclitari cœpit; sed nobis advenientibus, tactu zonæ sanctis reliquiis appositæ, in continenti enixa dignoscitur.

B 57. Præterea cum major ecclesia Trajectensis suspensione divinorum longo tempore nimis turbaretur, propter adventum reliquiarum beati Godehardi, divina resumpsit (101), et toti populo ingens gaudium tribuit in dedicatione, videlicet ipsius ecclesiæ.

SANCTI GODEHARDI EPISTOLÆ.

(MABILL., *Analect. nov. edit.*, pag. 435.)

EPISTOLA PRIMA.

GODEHARDI ABBATIS TEGERNENSIS AD NIDERALTAHENSE.

Nuntiat quomodo a Tegernseensibus exceptus sit, optatque ut mutua precum communio inter eos que sit.

GODEHARDUS abbas, quamvis indignus, W. certe risque fratribus, quidquid dilectis filiis in Christo.

Quanquam nostræ fragilitatis legem interius exteriusque laborando, natura cogente, merito patiamur; tamen in hoc itinere, quod jussu domini nostri ducis aggrediebamur, adhuc nos prosperari vestri orationibus gratulamur. Nam honorifice simulque charitative a cunctis fratribus suscepti sumus, et devote faciunt quæcumque eis regulariter præcipimus. Insuper etiam precamur ut fraternitati vestrae orationi deinceps consociemur, et una mecum commandant vobis fratres nostros, quos huic misimus, ut eis omnem charitatem humanitatemque exhibeatis, ut præcipit beatus Pater noster Benedictus. Mittite nobis librum Horatii et epistolas Tullii.

EPISTOLA II.

EJUSDEM GODEHARDI AD THEODULUM (102) EPISCOPUM.
Non cupiditate, nec ambitione, sed obedientia principi prestanda se ad monasterii Tegernensis regimen accessisse.

Domino THEODULO, pontificalium sacerdotum spe-

C culo liquidissimo, GODEHARDUS Deo sibique monachum mentiens, proh pudor! Dominicum.

Scintillantis calami, astuantis animi, vituperabilis invective in nos excogitatæ anterior modus cernitur esse quam admirandus. Si in unius tam nefariæ criminacionis causa me unquam reprehenderet propria conscientia, quam verecundo vultu quamquo pœnitenti animo mea sponte voluisse me sequestrare a totius Christianitatis communione! Absit a me deceptrix cupiditas, ut alienis tam impie vellem inhibere, quanquam sine vestris nullo modo vivere possem. Veneria, quinimo cupidinaria fascinatrix, ita penitus fiat in me sopita, ut alterius copulae juctam vel concupiscibili oculo invidiose inspicere presumam. Nostræ possessiuncula absque fuso simulationis renuntiavimus euge: sed non tantum postea prosecimus ut debuimus, quia (ut verius scitur) neque omnes Christiani Christiani sunt, neque omnes viri viri sunt, nec omnes monachi monachi sunt; Christiani tamen isti sunt et monachi: sed hæc conversim volumus, sed non possumus; niti mur, sed infirmamur. Qui aliqua Christianitatis timctione vel aspersione est insignitus, si catholice excusat: ur tantæ perniciositas flagitia non committere, quando qualiterve laudatur; qui tot vitiis obnoxius esse criminatur? quod me furtive in ovile Domini fe noscendrum electo possit.